



শিক্ষকের থাপ্পড়ে কানের পর্দা ফাটল ছাত্রের ॥ ঝাড়ু মিছিল

প্রকাশিত: ২১ - নভেম্বর, ২০১৯ ১২:০০ এ. এম.

নিজস্ব সংবাদদাতা, ফরিদপুর, ২০ নবেম্বর ॥ নগরকান্দা উপজেলায় একটি বিদ্যালয়ের প্রধান শিক্ষক থাপ্পড় দেয়ায় এক ছাত্রের বাম কানের পর্দা ফেটে গেছে। ওই ছাত্রটি ফরিদপুর মেডিক্যাল কলেজ হাসপাতালে চিকিৎসা নেয়ার পর বর্তমানে বাড়িতে শয্যাশায়ী রয়েছে। এ ঘটনা ঘটেছে উপজেলার চরযশোরদী ইউনিয়নের হাজী আবদুল মজিদ উচ্চ বিদ্যালয়ে গত সোমবার। ওই বিদ্যালয়ের প্রধান শিক্ষক জাকির হোসেনের থাপ্পড়ে বিদ্যালয়ের নবম শ্রেণীর শিক্ষার্থী আজিম শেখের (১৬) কানের পর্দা ফেটে যায়। বুধবার দুপুরে বিদ্যালয় চত্বরে প্রধান শিক্ষকের অপসারণ দাবি করে ঝাড়ু মিছিল করেছে শিক্ষার্থীরা।

এ বিষয়ে প্রধান শিক্ষক জাকির হোসেন বলেন, ওই ছাত্রকে ওভাবে কান পেঁচিয়ে থাপ্পড় মারা তার ঠিক হয়নি। তিনি বলেন, আমি ভুল করেছি। বিষয়টি মিটমাট করার চেষ্টা করছেন বলে জানান প্রধান শিক্ষক।

উপজেলা নির্বাহী কর্মকর্তার চলতি দায়িত্বে উপজেলা সহকারী কমিশনার (ভূমি) আহসান মাহমুদ বলেন, শিক্ষার্থীদের অভিযোগ ও দাবি সংবলিত স্মারকলিপিটি তিনি পেয়েছেন। তিনি বলেন, এ বিষয়ে তদন্ত করে প্রয়োজনীয় আইনগত ব্যবস্থা গ্রহণ করা হবে।

সম্পাদক, মুদ্রাকর ও প্রকাশক: মোহাম্মদ আতিকউল্লাহ খান মাসুদ (এম এ খান মাসুদ), উপদেষ্টা সম্পাদক: তোয়াব খান, নির্বাহী সম্পাদক: স্বদেশ রায়। সম্পাদক কতৃক গ্লোব জনকণ্ঠ শিল্প পরিবার-এর সদস্য প্রতিষ্ঠান যথাক্রমে গ্লোব প্রিন্টার্স লি: ও জনকণ্ঠ লি: থেকে মুদ্রিত ও প্রকাশিত। রেজি: নং ডিএ ৭৯৬। কার্যালয়: জনকণ্ঠ ভবন, ২৪/এ রাশেদ খান মেনন সড়ক, নিউ ইস্কাটন, জিপিও বাস্তু: ৩৩৮০, ঢাকা, ফোন: ৯৩৪৭৭৮০-৯৯ (অটোহান্ডিং ২০ টি লাইন), ফ্যাক্স: ৯৩৫১৩১৭, ৮৩১৬৩৩৫, ই-মেইল: janakanthanews@gmail.com ওয়েবসাইট: www.dailyjanakantha.com এবং www.edailyjanakantha.com ॥ Copyright © All rights reserved by dailyjanakantha.com